



ATUINERMUT ALLANNGUINERMUT EQQAAMASASSAT

AALLARTINNGINNERNI ILISIMASASSAT

Nunaminertamik atuinissamut piginnaatitaaffeqarlutit illumillu piginnittut nunaminertamik atugassiinermi nunaminertap siunertaanut atornissaa illit akisussaaffigaat. Taamatut atorneqarneranik allannguerusukkuit tamatumunnga akuersissummik qinnuteqassaait.

Atorneranut allannguinermit allanngortiterisoqarnissaanik tamanna piumasarineqarpat tassunga akuersissutinik tunngasunik qinnuteqarnissat pingaaruteqarpoq.

Illup pioreersut iigaasa silarliit iluini annikitsumik allanngortiterineq, ass. iikkanik napatitsisuunngitsunik allanngortiterineq, nutaamik uffarfiliorneq iggaviliorneq luunniit nunaminertamik atuinissamut imaluunniit sanaartornissamut akuersissummik piniaqqaarani suliarineqarsinnaapput. Taamaattoq maluginiassavat sannaanik napatitsisunik allanngortiteriniaruit Sanaartornermut oqartussanit akuersissummit piniaqqaassagavit. Aamma eqqumaffigissavat allanngortiterinerit sanaartornermi qimaaffissanut tunngasuni maleruagassat malillugit suliaqartoqassammat.

Illit sanaartornermi suliaqarnermi ilaatigut sanaartornermi maleruagassamiittut aamma Kommunimut pilersaarummiittut malittarisassat, Sanaartornermi Maleruagassaniittut malittarisassat Sulinermillu Nakkutilliivimmiit malittarisassat **malinneqarnissaat akisussaaffigaat**. Taamaattumik innersuussutigaarput, sanaartornermi siunnersortimik oqaloqateqarnissat, taassuma aqquataa tamaat ikiorsinnaavaatit – qinnuteqarnermiit naammassisutut nalunaarutigineqarnissaata tungaanut.

- Kommunimut pilersaarummi illit immikkoortunni malittarisassat suut atuunnersut misissussallugit eqqaamajuk: <https://kp.sermersooq.gl/>
- **Akeqanngitsumik siumoortumik oqaloqatiginninnissamik neqerooruteqarpugut.** Tassani 30 minutsit ataatsimiisinnavaagut, sanaartornissamut pilersaarutit aallartinnissamullu akuersissutit pigisassatit pillugit ilitsersuisinnaalluta. Uani inniminniigit: [Siumoortumik oqaloqatiginninneq](#)

QINNUTEQAATIT SUUT

Illit sanaartornerpit annertussusaa apeqquataalluni atortussat akuersissutillu amerlassuseqassapput.

Atuinermit allannguinermit tamatigut uku qinnutigissavatit:

☐ Nunaminertamik atugassiineq*

likkanik napatitsisunik aamma/imaluunniit qimaaffissianik allannguiniaruit uku qinnuteqaatigissavatit:

☐ Sanaartornissamut akuersissut

☐ Atuilernissamut akuersissut

NUNAMINERTAMIK ATUINISSAMUT QINNUTEQARNERMUT ATORTUSSAT

Suliniutip nassuiarneqarnera titartagartaalu:

☐ Nunaminertamik atuisussaaitaanngikkuit sanaartornissamut **piginnaatitsissut**

Ulloq unnuarlu paaqqinnittarfimmut allannguissamut qinnuteqarnermi uku aamma ilanngullugit kakkiutissavatit:

☐ **Pilersaarummik nassuiaat ukuninnga imalik:**

1. Paaqqinnittarfimmi qassinik inisimasoqassava qassinillu taakku ukioqassappat?



*Nunaminertamik qinnuteqarniaraanni Nunagis
aqqutigineqassaaq: [Nunaminertamik atuinissamut
akuersissut – NunaGIS](#)

2. Ulloq unnuarlu (ulloq, unnuk unnuarlu) sulisut
qassiussangatinneqarpat?
3. Paaqqinnittarfimmik pilersitsinermi biilnut
inissiivinnik amerlanernik
pisariaqartitsisoqalissava imaluunniit tamaani
angallannerulersitsisoqassava?
4. Ulluinnarni sammisassaqartitsinerni inissianut
eqqaaniittunut sanilinulluunniit
sunniuteqartassappat?